

Npaj kom Muaj Kev Nyabxeeb Rov Tuaj rau Hauv Tsev Kawm Ntawv

Rau ob hnuv so lub asthiv tas los no peb xaus lub caij kawm ntawv raws ib qho txawv tshaj thiab muaj kev zoo siab rau tshaj 8,500 tus mejiyig kawm tas lawv yam uas yog ib pab ntawm cov Kawm Tag Xyoo 2020 (*Class of 2020*). Tsis muaj leej twg xav tias yuav muaj tus kab mob COVID-19 no yuav pauv loj thiab muaj kev nyuaj rau peb npaum no thiab kuv qhia tsis tau tag tag tias kuv pom thiab zoo siab peb lub tsev kawm ntawv dhaws tau qhov no zoo npaum cas.

Tam li peb mus dhau ntawm qhov ceev tam sim ntawm tus kab mob, peb tab tom npaj rau yav tom ntej. Kuv xav qhia rau koj tias peb ho yuav npaj maj mam rov qhib li cas rau lub caij ntuj sov thiab peb ho txiav txim ua li cas rau lub caij kawm ntawv ntuj tsaug.

Peb txhua tus xav rov tuaj rau hauv tsev kawm ntawv thiab pib muaj ib cov hoob qhia ntawv tim ntsej tim muaj thiab kev sib ntsib uas yog ib qho zoo heev hauv UW-Madison; tabsis, peb kuj tseem nyob rau ib qho uas tsis paub yuav muaj tau zoo li cas. Wisconsin tab tom sim rov qhib ib co lag luam thiab rau hli puav tom ntej no peb yuav paub tias nws puas yuav ua tau rau tus kab mob rov kis dua . Peb kuj tseem tab tom kawm tias tus kab mob COVID-19 kis li cas, thiab nrhiav kev txo kev sib kis. Tam sim no peb paub ntau tshaj thaum lub Peb Hlis nra uas peb kaw kiag tsev kawm ntawv thiab peb yuav siv tej kev peb kawm tau xyuas rov pib qhib tsev kawm ntawv.

Kuv kuj qhia tau rau koj tias UW-Madison yuav qhib rau lub caij ntuj tsaug, rov muaj qhia ntawv txhua yam kom peb cov mejiyig uas muaj tshaj 45,000 leej rov kawm tau lawv yam ntawv li qub. Peb yuav xyuas txhawb kom muaj ntau hom neeg thiab rub sawv daws ua ke kom muaj zog tshaj li qub. Qhov kuv qhia tsis tau rau koj tseeb yog yuav muaj qhia ntawv tim ntsej tim muaj los qhia nyob on-line ntau li cas.

Txawm siv hom kev qhia ntawv twg los yuav muaj txhiab txhiab tus mejiyig tuaj rau hauv Madison. Peb cov mejiyig kawm ntxiv tom qab tag nplaub xyoos yeej nyob hauv zos. Thiab coob tus mejiyig tseem kawm plaub xyoos yeej nyob rau hauv cov tsev lawv xauj hauv Madison txawm siv hom kev qhia ntawv twg. Qhov peb muaj tau ntau hoob qhia ntawv muaj neeg

tsawg tuaj sib ntsib tim ntsej tim muag sib tham txog cov ntawv lawv kawm los hoob, yuav pab tau cov mejiyig uas nyob hauv Madison zoo dua.

Tab sis nws kuj yuav muaj ib cov mejiyig uas xav kawm lawv yam thiab yuav tuaj tsis tau rau hauv tsev kawm ntawv. Ib co yog cov mejiyig tuaj txawv tebchaws tuaj; ib co yog cov mejiyig muaj tej yam mob uas tseem ceeb lawv yuav tsum tau nyob rau tej qhov chaw kom sib nrug. Txawv cov no, nws kuj ho muaj ib co mejiyig uas lawv yuav tsum tau tuaj kawm kiag tim ntsej tim muag thiaj tau lawv daim ntawv. Cov mejiyig no yog cov yuav tau kawm ua txoj haujlwm los tshawb fawb ntsuam tej yam kawm. Peb muaj ib pab neeg xyuas txog cov hoob no thiab ntsuam saib peb yuav qhia li cas thiaj muaj kev nyabxees rau cov mejiyig.

Txhua yam no qhia tau tias xyoo tom ntej peb yuav muaj ntau yam kev siv qhia cov hoob kawm. Cov hoob muaj mejiyig coob tso npe kawm yuav qhia nyob online, tab sis peb yuav xav muaj cov hoob rau cov mejiyig tuaj sib ntsib kiag tham txog cov lawv kawm hoob ntawd kom ntau. Peb yuav ua kom muaj ntau hoob uas nyob tau lwm qhov qhia (online). Rau tib lub caij no, peb yuav xyuas kom muaj ntau hoob rau cov mejiyig tuaj sib tham/ua, tsis hais tuaj kiag los nyob on-line, kom to taub thiab tej pawg mejiyig tuaj ua ke sib txhawb kom kawm tau zoo.

Rau qhia me me, lub caij kawm ntawv ntuj tsaug yuav tsis zoo li yav tas los lawm. Thiab rau qhia kom tseeb, peb tsis yog hais rau lub caij kawm ntawv ntuj tsaug xwb. Peb yuav xyuas rau yav tom ntej, peb yuav npaj rau ib xyoos tim nkaus rau kev kawm uas tus kab mob COVID-19 ho yuav tshuam tau peb kev qhia ntawv li cas.

Peb kuj npaj rau lwm yam pauv uas yuav tshuam tau cov mejiyig lub neej los kev kawm. Peb yuav xyuas txhua yam saib peb yuav khiav haujlwm li cas rau cov tsev cov mejiyig tuaj nyob kawm ntawv thiab chaw ua zaub mov noj kom muaj kev nyabxees. Peb tab tom xyuas seb ho yuav muaj tau kev pab tshiab rau cov mejiyig li cas, nrog rau qhov muaj nyob online. Cov hoob neeg tsawg los yuav tau siv cov hoob loj qhia kom nyob tau sib nrug deb, uas tej zaum yuav tau pauv cov caij. Tej zaum lwm yam muaj, tuaj ua ke thiab ua ib yam dabtsi los yuav tau pauv los txo kom neeg tsawg tus kab mob thiaj tsis kis. Thiab, yuav kom peb txhua tus ua li peb tus kheej ua tau tiv thaiv peb ib tsoom, xws li nyob tom tsev yog tsis xis neej.

Tiag, nws tsis yog txog cov mejiyig thiab cov hoob kawm xwb. Peb yuav tau pauv kev peb khiav haujlwm. Peb yuav tau xyuas kev ua raws tu ib qho twg, cov rooj zaum ua haujlwm sib nrug deb, yuav tau npog qhov ncauj qhov ntswg, kev sim kuaj tus kab mob thiab lwm yam li cas. Peb yuav tsum tswj kom muaj kev nyabxeeb rau peb cov neeg ua haujlwm. Tej zaum cov xibfwb thiab neeg ua haujlwm yuav kis tau tus kab mob ntau, qhov no thwm tau tias yuav tau ua haujlwm tom tsev tuaj ntau rau xyoo tom ntej, yog ua tau.

Peb yeej xav txog txhua yam cov no, raws li peb ua tib zoo npaj yuav rov qhib tsev kawm ntawv rau lub caij ntuj sov thiab raws li kev peb xav txog cov mejiyig rau lub caij ntuj tsaug yuav los. Raws li tus kab mob tseem pheej kis, nws ua rau pom tseeb tias yog ib qhov kev nyuaj heev. Npaj rau qhov no, peb tau rub cov neeg coob uas paub txog tej yam zoo los tawm tswv yim thiab tsim cov qauv rau peb siv.

Nov yog ib co ntawm tej pawg los nrhiav kev npaj muaj cov xibfwb, neeg ua haujlwm thiab mjeiyig nyob rau hauv:

- Kom Muaj Kev Qhia Ntawv (*Instructional Continuity*), xyuas kom kawm ntawv lub caij ntuj tshiab thiab xeem tas thiab kev txhawb nyob online rau lub caij ntuj sov.
- Kev Qhia Ntawv Lub Caij Ntuj Tsaug (*Fall Semester Instruction*), uas ntsuam xyuas txhua yam thiab npaj seb peb yuav hloov qhia ntawv tim ntsej tim muag, lwm qhov tuaj los ob qhov ua ke li cas.
- Pawg Xyuas Kev Tshawb Fawb (*Research Reboot Team*), uas npaj yuav rov muaj tuaj tshawb fawb thiab lwm yam nyob hauv tsev kawm ntawv, hauv University cov vaj tsev, thiab lwm qhov uas University siv rau kev kawm.
- Pawg Kuaj Ntsuam Tus Kab Mob (*The COVID Testing Workgroup*), uas los xyuas saib qhov twg yog qhov yuav zoo tshaj siv kuaj ntsuam tus kab mob kom muaj kev nyabxeeb rau ib tsoom hauv tsev kawm ntawv.
- Pawg Xyuas Kom Rov Muaj Khiav Haujlwm hauv Tsev Kawm Ntawv (*Resumption of Campus Operations Workgroup*), uas npaj qhov cov neeg maj mam rov tuaj coob zuj zus rau lub caij ntuj sov pib, thiab yuav tau ua li cas txog coob tus rov tuaj ua haujlwm.
- Kev Xyuas Pab Cov Mejiyig (*Student Affairs*), uas npaj thiab xyuas kev rau ib tsoom pab cov mejiyig piav qhia SOAR nyob online, hloov kev muaj rau cov mejiyig nyob lwm qhov

koom thiab kom muaj kev pab rau kuaj mob, pab kev nyuaj siab thiab rau noj qab haus huv hauv xovtooj thiab online ntau.

Cov no yog ib co ntawm daim ntawv cov peb npaj rau hauv tsev kawm ntawv.

Ib co qauv no, xws li kev piav qhia txog SOAR, yuav tiav sai tsis ntev no. Lwm yam, li cov qauv rau kev qhia ntawv rau caij ntuj tsaug, yuav tsis tau tiav txog thaum yav lig caij ntuj sov uas peb paub tias tus kab mob muaj li cas nyob hauv xeev thiab thoob tebchaws, uas pauv tau txhua hnuv.

Hnuv peb npaj yuav txiav txim kom tiav tsis pub dhau yog lub Xya Hli tas seb yuav muaj puas tsawg hoob qhia ntawv tim ntsej tim muag, uas tau kev pab tswv yim los ntawm UW System thiab cov neeg saib xyuas kev noj qab haus huv hauv xeev thiab zej zog. Kuv thov txim ntawm qhov no tias paub tias nws yuav muaj zoo li cas uas ua rau cov mejiyig thiab niam txiv nyuaj siab. Peb yuav luj qhov txhua tus yuav npaj rau lub caij ntuj tsaug nrog qhov kom muaj kev nyabxees hauv tsev kawm ntawv rau peb ib tsoom. Peb yuav qhia ntxiv raws li qov peb qhia tau rau cov hli ntuj sov yuav los no.

Txawm peb muaj tej yam kev nyuaj los lwm lub tsev kawm ntawv qib siab thoob hauv qab ntuj yeej muaj zoo tib yam. Kuv ntseeg tias peb tseem daws qhov teeb meem no tau zoo tshaj vim peb tseem muaj nyiaj ntau dua lwm lub tsev kawm ntawv, thiab peb muaj cov xibfwb thiab neeg ua haujlwm sib zog pab thiab cov mejiyig thiab mejiyig kawm tas yav tag hauv UW-Madison sib zog txhawb.

Peb yuav nrhiav kom muaj ib txog kev tawm kom dhau ntawm tus kab mob COVID-19 tshwm sim ntau yam kev nyuaj. Peb yuav tsum muaj qhia txhua yam li qub rau cov mejiyig rau xyoo tom ntej. Peb yuav kawm tau tej yam kev txawj thiab paub kho uas yuav ua rau peb muaj zog tshaj qhov qub rau yav ntev tom ntej.

Thiab thaum muaj yam tswj tau tus kab mob no lawm, peb yuav rov tuaj sib koom ua ke nyob ntawm *Terrace* sib tham thiab ua kev zoo siab rau ib tsoom qhov kev sib koom.